

АКАФИСТ СВЯТЫМ И ПРАВЕДНЫМ БОГООТЦЕМ ИОАКИМУ И АННЕ

(празднование 25 июля/7 августа – усение св. прав. Анны, 9/22 сентября – свв. прав. Богоотцев Иоакима и Анны, 9/22 декабря – зачатие прав. Анною Пресвятой Богородицы)

Кондак 1

Избранныи от человеческого рода прародителие Христовы, рождшии Преблагословенную Богоотроковицу, из Нея же по плоти Сын Божий родися, святии и праведнии Богоотцы Иоакиме и Анно! Яко имущии дерзновение велие ко Христу Богу, и выну (*всегда*) предстоящи престолу Его небесному, Тому прилежно молитесь от бед нам избавитися, да выну зовем вам: Радуйтесь святии и праведнии Богоотцы Иоакиме и Анно.

Икос 1

Ангел предстатель послан бысть к вам от Бога, святии и праведнии Богоотцы Иоакиме и Анно, егда о бесплодии своем ов (*тот*) убо в пустыни, ова (*та*) же в саду своем сетоваше (*сетовали*), к Богу молитву возносяще; и тако благовестие радостное принесе безплотный, яко родити имате Дщерь Преблагословенную, о Ней же возблагословится весь род человеческий, с ним же и мы вам радостное приносим хваление:

Радуйтесь, корене Давидова святопроцветшия розги винограда животнаго;

Радуйтесь, рождшии Дщерь, от всех родов Преблагословенную.

Радуйтесь, воплощшагося Сына Божия прародителие всечестнии;

Радуйтесь, таинства от века утаеннаго проявителие
всеизряднии.

Радуйтесь, Утехи (*Утешителя*) Израилевы
ближайшии по плоти сродницы;

Радуйтесь, обетованнаго миру Спасителя
единокровнии южицы (*родственники*).

Радуйтесь, святии и праведнии Богоотцы Иоакиме и
Анно.

Кондак 2

Ридев себе святой Иоаким, во храме
Иерусалимстем бесплодия ради от архиерея
уничуженна, зелó (*сильно*) опечалися, и в горести
души своея в пустыню к своим стадом удалися, и тамо
со многими слезами тёпле ко Господу моляшесе, да
сподобит его отцем своему чаду нарещися, и тако к
молитве же пост прилагаше, и в сокрушении сердца
Вседержителю Богу зываше: Аллилуиа.

Икос 2

Силу горести мужа своего святая Анна уведевши, в
дому своем сидящи, горце плакася и моляшесе ко
Господу, да поношение бесплодия от нея отъимет.
Мы же, толикое терпение праведных поминающе,
воззовем:

Радуйтесь, Богоизбранная двоице, Единому от
Троицы Матерь по плоти породившая;

Радуйтесь, Жиздителю вашему Родительницу
непорочную произведшии.

Радуйтесь, супрузи благословеннии,

Преблагословенную в женах Дщерь воспитавшии;

Радуйтесь, в бесплодии вашем от Господа
услышаннии.

Радуйтесь, яко слезныя молитвы ваша проникоша
небо и во ушию Бога Израилева достигоша;

Радуйтесь, яко поношение ваше временное во славу вечную на небеси и на земли изменися.

Радуйтесь, святии и праведнии отцы Иоакиме и Анно.

Кондак 3

Силою Божию преисполнен, явися ангел Господень святому Иоакиму в пустыни и рече ему: услыша Бог молитву твою и изволи дати тебе благодать Свою, се бо жена твоя Анна зачнет, и породит тебе Дщерь, о Ней же всему миру будет радость: сия рек безплотный, повеле ему ко храму Иерусалимскому паки отъидти, идеже он супругу свою молящюся обрящет, с нею же вкупе да воспоеет тамо хвалебную песнь Богу Израилеву: Аллилуиа.

Икос 3

Имущи скорбь велию в сердце своем, Анна святая, и в вертоград (*сад*) дома своего вшедши, виде гнездо птичье на древе сооружено, птенцы малыя в нем лежащия, абие (*тотчас*) моления к молениям прилагати потщася, да сподобит ю (*её*) Господь мать чаду быти. И се явися ей ангел Господень глаголя: услышана есть молитва твоя и воздыхания твоя проидоша облаки, слезы же твоя пред Бога внидоша: се зачнеши и родиши Дщерь Преблагословенную, о Ней же возблагодарятся вся колена земная, и Тою дастся спасение всему миру, наречется же имя Ей Мария; таковое ангельское всерадостное благовещение поминающе, воспоим Богоотцем таковыя:

Радуйтесь, супрузи праведнии, от Бога свыше предизбраннии;

Радуйтесь, во всех заповедех Господних без порока ходившии.

Радуйтесь, в скорби вашей временной утешение
вечное получившии;
Радуйтесь, паче чаяния вашего десницею Божиею
превознесеннии.
Радуйтесь, яко во смирении вашем и скорби, помяну
вы Господь;
Радуйтесь, яко сподобистесь прародителии Сыну
Божиему быти.
Радуйтесь, святии и праведнии Богоотцы Иоакиме и
Анно.

Кондак 4

Вурею сомнения Иоаким праведный содержим и о
благоветии ему ангела недоумеая, абие
(*тотчас*) во град Иерусалим отъиде, идеже пред
враты храма святыю Анну обрете, Господа вельми
(*сильно*) славословящую и радость ангельскаго явления
и о чаде проречения ему возвещающую, тем же и о своем
видении супружнице благоветив, вкупе с нею возопи
ко Господу: Аллилуиа.

Икос 4

Слышавше сродницы и знаемии (*знакомые*) о
преславном святых Анны зачатии, Бога Израилева
славляху, Анна же богомудрая, плод чрева своего
на служение Богу обрече, теплое благодарение
Господеви возношаше, мы же светло всеславное
зачатие Богоотроковицы Марии воспевающе, Тоя
святым родителем глаголем сице (*так*):

Радуйтесь, радостнии нам грядущаго в мир
Искупителя провозвестницы;
Радуйтесь, присто поминаемии чаемаго Спасителя
праотцы.
Радуйтесь, чрез Дщерь вашу благословенную, Слову
Божиему плоть взаймодавшии;

Радуйтесь, Бога воплощенна внука себе
нарицающи.

Радуйтесь, велией благочестия тайны достойнии
служителие;

Радуйтесь, Божия к человеком снисхождения
всеизряднии посредницы.

Радуйтесь, святии и праведнии Богоотцы Иоакиме и
Анно.

Кондак 5

Погосветлую звезду явльшую солнце правды
Христа Бога, Пресвятую Богородицу, плотию
родити сподобитесь, и вожделенное имя
Богоотцев приясте, Иоакиме и Анно всеблаженнии, о
Ея же рождестве святем небо и земля возрадовашася, и
весь род человеческий освятися, вопия дивному во
святых своих Богу Израилеву: Аллилуиа.

Икос 5

Видевше родители от них рождшуюся
Богоотроковицу Марию, Зиждителиву
(Создателя) же Матерь, яко кивóту (ковчег)
Божию, благоговейно Той послужиша, темже и нас, к
вам молитвенно припадающих, не отвратитесь,
глаголющих:

Радуйтесь, в рождестве Богоотроковицы Марии
светло возликовавшии;

Радуйтесь, видением Богоотроковицы услажденнии.

Радуйтесь, слышанием Ея умилении;

Радуйтесь, по сих от архиерея Божия
благословеннии и ублаженнии.

Радуйтесь, Агницу непорочную в дому своем дóбре
упасшии;

Радуйтесь, Агнца и Пастыря Матерь во Дщерь себе приемшии.

Радуйтесь, святии и праведнии Богоотцы Иоакиме и Анно.

Кондак 6

Проповедницы чудес Божиих явистесья святии, егда обет свой Богу совершите и трилетнюю Богоотроковицу Марию в храм Божий со славою введосте, да обитает тамо во Святая святых, о сих убо радостно Богу отец ваших славословия песнь воспевати потщастесья: Аллилуиа.

Икос 6

Возсия Богоотроковица яко луна полная в честнем Своем в храм Господень вхождении, Ея же чистоте ангелы удивляхуся, и архиерей Божий Захария прием Ю от рук ваших, святии Иоакиме и Анно, во внутренняя Святая святых с честью введе, яко воистину одушевленный Божий Кивот, вас же по достоянию ублажи хваленьми таковыми:

Радуйтесь, радость всемирную роду человеческому породившии;

Радуйтесь, виновницу человеческого обновления воспитавшии.

Радуйтесь, в храм Господень Кивот одушевленный Божий приведшии;

Радуйтесь, Дщерь вашу святую, во Святая святых вместившии.

Радуйтесь, Богу воплотится хотящему сродницы являющиися;

Радуйтесь, ангелом собеседницы бывшии.

Радуйтесь, святии и праведнии Богоотцы Иоакиме и Анно.

Кондак 7

Желание души твоя исполнив, и обет твой Богу воздав, Иоакиме преблаженне, в старости добрей свято и праведно жизнь земную о Господе скончал еси. Темже ныне Тому и о нас сотвори молитву, да благу, мирную и непостыдную кончину получитьи сподобимся, зовуще Ему: Аллилуиа.

Икос 7

Новое и богоугодное житие во вдовстве твоём, Анно святая, провождала еси у храма Божия приметающихся и Святей и Препоблагословенней Дщери твоей сослужащи, тем же яко истинную и богоугодную вдовицу, Христову же прабабу ты восхваляем, вкупе же и мужа твоего, Богоотца Иоакима, усердно чествуем и с любовью песни таковыя вам приносим:

- Радуйтесь, праведницы, их же правда яко солнце сияет во веки;
- Радуйтесь, ангелом друзи, сожителие святым и приснии Богу.
- Радуйтесь, ближнии небеснаго престола предстоятелие;
- Радуйтесь, дерзновение велие ко Христу Богу имущии.
- Радуйтесь, Церкви на небеси торжествующия украшение;
- Радуйтесь, Церкви воинствующия на земли доброе заступление.
- Радуйтесь, святии и праведнии Богоотцы Иоакиме и Анно.

Кондак 8

Странствие земное совершив, святая и праведная Анно, на руках пребожественных твоя Дщери, Богородицы Марии, сном смертным почила еси и к Богу со упованием преставилася еси, тем же святое усупение твое славяще, молим тя, о Богопраматерь всечестная, да егда и мы сном смертным усыпати начнем, умоли Спаса Христа, кротко душу нашу от тела отделить и бесовския власти ю избавити, спасения же вечнаго нас удостоити, да зовем Ему в радости святых: Аллилуиа.

Икос 8

Весь мир христианский блажит вас по достоянию, святости и праведности Богоотцы Иоакиме и Анно, и молитвенно ваша честная имена прославляет, Церковь же Христова светло память вашу празднует и песни хвалебныя вам приносит сице:

Радуйтесь, светильницы, мрак душ наших
благодатно озаряющие;

Радуйтесь, от горних высот славы вашей к
земнородным милостиво проникающие.

Радуйтесь, Богородице Марии сомолитвенницы
всегдашнии;

Радуйтесь, Христа Бога умиловителие
многомошнии.

Радуйтесь, любовь и веру к вам имущих от всяких
бед спасающие;

Радуйтесь, молитвенно на помощь вас призывающих
от напрасныя и наглыя смерти избавляющие.

Радуйтесь, святости и праведности Богоотцы Иоакиме и
Анно.

Кондак 9

Пси ангели Божии и лица святых Божиих на небеси вас, святии и праведнии Богоотцы Иоакиме и Анно, целуют, рóди же человечестии на земли молитвенными песньми вас похваляют и о предстательстве вашем благодарно вопиют Богу: Аллилуиа.

Икос 9

Петийства наша не довлеют к достойной вам похвале, святии прародителие Христовы: обáче *(однако)* вы, милостивы суще, и наша убогая хваления не отвратите, но будите о нас теплии предстатели и молитвенницы ко Господу, вашими святыми молитвами скудость душ наших восполняюще, да благодарственне вам зовем:

Радуйтесь, радости и славы вечныя вожделении нам ходатаи;

Радуйтесь, благ временных и вечных усерднии нам пред Господем ходатаи.

Радуйтесь, от смертоносныя язвы предстательством вашим верныя сохраняющии;

Радуйтесь, тлетворныя ветры молитвами вашими разгоняющии.

Радуйтесь, трясение земли и бури зельныя ходатайством вашим устанавлиющии и в тишину прелагающии;

Радуйтесь, во всяких бедах и злключениях на помощь к нам ускоряющии.

Радуйтесь, святии и праведнии Богоотцы Иоакиме и Анно.

Кондак 10

Спасения душевнаго желающим и о сем усердно подвизающимся помощницы блазии, святии и праведнии Богоотцы Иоакиме и Анно явистесе, оубо иноком, оба же инокинем хранители именуется, общее моление за всех верных Богу приносяще, да вси благодарственно зовут прославльшему вас во вселенней Царю Славы Христу: Аллилуиа.

Икос 10

Стеною молитв ваших небесных, святии и праведнии Богоотцы Иоакиме и Анно, сохраняйте и ограждайте нас от искушений врага диавола, ищущаго душевней погибели нашей: вемы бо (*ведаем ибо*), вемы, яко много может молитва ваша пред лицом Христа Бога нашего, вашего же по плоти внука. Его же умоляти не престайте о всех, с любовью вас почитающих и вопиющих:

Радуйтесь, маслина благоплодная, елей милости
Божией обильно нам источающая;

Радуйтесь, кипариси двое благосеннолиственнии,
зной страстей наших в покои безстрастия
приводящии.

Радуйтесь, виссоне и багрянице, из них же скиния
Божия селения соорудися;

Радуйтесь, горлицы единосупружнии, голубицу
непорочную произведшии.

Радуйтесь, со Дщерию вашею, всех Царицею вечно
царствующи;

Радуйтесь, в Сионе горнем в обители Ея небесней
светлоторжествующи.

Радуйтесь, святии и праведнии Богоотцы Иоакиме и
Анно.

Кондак 11

Пение наше хвалебное милостивно примите, и щедрот ваших молитвенных нас не лишите, о святии прародители Христовы Иоакиме и Анно, áще (*хотя*) и недостойнии есмы грехов ради наших, вашего святого заступления: обáче (*но*) яко блази и всещедри суще, сие нам подадите, и помозите нам покаянием очиститися от скверны греховныя, да в чистоте сердец воспоем Создателю нашему хвалебную песнь: Аллилуиа.

Икос 11

Светоподательныя два светильника, всемирную свещу возжегшии, познаим святых Богоотец Иоакима и Анну, о братие, и сиянием тех небесныя славы озаряеми, воспоем им таковая:

Радуйтесь, славнейшую без сравнения серафим
воспитати удостоившиися;

Радуйтесь, лучами благодати Божия осиянии.

Радуйтесь, благоухания духовнаго преисполнении;

Радуйтесь, фимиам молитв ваших о всем мире
христианстем Богу приносящи.

Радуйтесь, с Богородицею Мариєю и Предтечею
Иоанном у престола Христова выну предстоящи.

Радуйтесь, святии и праведнии Богоотцы Иоакиме и
Анно.

Кондак 12

Благодать Божию и милость нам подати, прощение же грехов и исправления жития ниспослати просите нам у Господа, святии Богоотцы Иоакиме и Анно, и непрестайте о нас пред лицом Вседержителя Бога моляще, яко стяжавшии к Нему дерзновение многое. О сем усердно к вам припадающе, яко присных предстателей и заступников наших, просим и благоумиленно зовем всех Творцу: Аллилуиа.

Икос 12

Поюще многомогущее предстательство ваше к Богу, Иоакиме и Анно праведнии, величаем возвеличившаго вас Христа Господа, воспеваем и рожденную от вас пренепорочную Его Матерь, вам же от усердия нашего сия достодолжныя похвалы приносим:

Радуйтесь, от востока и до запада
препрославлению;

Радуйтесь, стражие божественнии, неусыпно
бдящии в молитвах к Богу о всех верных.

Радуйтесь, помощь вашу благодатную всяцей душе
христианстей подающии;

Радуйтесь, во благих моления и прошения
благочестивых исполняющии.

Радуйтесь, душевных и телесных недугов
преизряднии и безмезднии целители;

Радуйтесь, благ временных и вечных всеусерднии и
благоприятнии нам ходатаи.

Радуйтесь, святии и праведнии Богоотцы Иоакиме и
Анно.

Кондак 13

Освятити и праведнии Богоотцы Иоакиме и Анно! Молим вас со усердием и любовью, к подножию ног ваших припадающе: умолите Господа Бога, избавити нас от погибели вечныя, грешником уготованныя, да милосердием Бога нашего спасаеми, и вашими святыми молитвами поспешествуеми, благодарственно воспоим Ему ангельскую песнь: Аллилуиа.

*(Кондак 13 читается 3 раза,
затем Икос 1 и Кондак 1)*

Молитва святым праведным Богоотцем Иоакиму и Анне

Оприснославнии Христовы праведницы, святии Богоотцы Иоакиме и Анно, предстоящи небесному престолу Великаго Царя и велие дерзновение к Нему имущии, яко от Преблагословенныя Дщери вашей, Пречистыя Богородицы и Приснодевы Марии, воплотитися изволившему, к вам, яко многомогущим предстателем и усердным о нас молитвенникам, прибегаем мы грешнии и недостойнии. Молите благодать Его, яко да отвратит от нас гнев Свой, по делом нашим праведно на ны движимый, и да безчисленныя прегрешения наша презрев, обратит нас на путь покаяния и на стезе заповедей Своих да утвердит нас. Таже молитвами вашими в мире живот наш сохраните и во всех благих благое попешение испросите, вся яже к животу и благочестию потребная нам от Бога дарующе, от всяких напастей и бед и напрасныя смерти, предстательством вашим нас избавляюще, и от всех враг видимых и невидимых защищающе, яко да тихое и безмолвное житие поживем во всяком благочестии и чистоте, и тако в мире временное сие житие прешедше, в вечный достигнем покой, идеже вашим святым умолением, да сподобимся Небеснаго Царствия Христа Бога нашего, Емуже со Отцем и Пресвятым Духом подобает всякая слава, честь и поклонение во веки веков. Аминь.

**Тропарь святым праведным Богоотцем
Иоакиму и Анне**

Тропарь, глас 1

Иже в законней благодати праведни бывше,
Младенца богоданного породиша нам,
Иоаким и Анна. Темже днесь светло
торжествует, весело празднующи божественная
Церковь, честную вашу память, славящи Бога,
воздвигшаго рог спасения нам в дому Давидове.